



UNIVERSITÄTS-
BIBLIOTHEK
PADERBORN

**Roberti Tvrneri Viri Doctissimi Professoris In Academia
Ingolstadiensi Orationvm. Volvmen ...**

Turner, Robert

Coloniae Agrippinae, 1625

5. Preces ad S. Ambrosium.

[urn:nbn:de:hbz:466:1-69519](https://nbn-resolving.org/urn:nbn:de:hbz:466:1-69519)

artis, satis esset iustissimæ concioni. Satis mihi intendisse digitum in fontes: vos inde haurietis vberius. Id quoque obseruandum est, vt non sequamini semper ordinem locorum, quem supra posui: mutandus vero ordo ita, vt optima in primum locum recipias, aut in vltimum reijcias, media vero, quæ faciunt potius numerum, quam vim, conijcias in corpus medium, & tanquam in cumulum aggeras: vno verbo, ille ordo est optimus, quem iudicas optimum pro loco, pro tempore, pro persona: quare siue à definitione, siue à genere, siue à causa incipias, nihil interest, modo sit ratio, cur sic incipias, aut non sic incipias. Tantum est de confirmatione: confutationis contraria est, præceptio. *Cætera desunt.*

ROBERTI TURNERI

PRECES AD S. AMBROSIUM

Patronum.

Dulcissime Ambrosi

Qui tepidos & adamantinos lachrymarum tuarum quodam lacte quasi caprino, mollisti ad lachrymas, tuis mihi precibus lachrymas elice, quibus sordes, si quæ inhærent, eluam: da, vt hæc mihi mentis precisquæ tepiditas caleat à te, imo ardeat per te. Non lachrymor pro peccatis, ô stupor! non doleo: ô frigus mentis: sed sint lachrymarum imbres, sint dolorum fluctus: quid hi, quid illi? nihilum præ peccatis meis, nisi tu hos, tu illos Deo commendes, si commendes, & tuarum precum fotu concalefacias, hoc meum siue in precibus, siue in actionibus frigus, non dubito quin coelos attingat, imo cælos inflammet, collocatumque in Diuæ matris, Sanctorumque conspectu

k 3

imper

impetret, vt illi tuo in me amore prouocati, suas precibus cum tuis coniungant, aperiantque mihi perennis Patris remorem, & Spiritus sancti gratiam, & Christi Seruatoris merita omnia: hæc via erit, vt meum fructus sit cælo calidum, non quod exeat à me; sed quod deat in te.

Nitidissime Ambrosi

P Ver & gentilis, qui vitam vixisti viri & Christiani, effice tuis apud Deum precibus, vt ego viro Catholicus, vitam viro Catholicoque dignam exigam: da, da vt qui per merita Christi meruit gentili fieri Christianus, ego ex Christiano non debar in gentilem, aut vita plus habeat gentilitatis, quam Christi.

Doctissime Ambrosi

Q Vi Ecclesiam scriptis illustrasti, impetra vt Ecclesiam factis non obscurem. Qui Augustinum & verbis multasti, & fregisti spiritu, inquam, vt me alterum iam moribus Augustinum Christianum Augustinum, refingas tuis precibus tandem, vt quos scis, & Ecclesiæ vtilis, & mihi necessarios: eos faciam in studijs processus.

Constantissime Ambrosi

Q Vi nec timore principum, nec hæreticorum terrore potuisti impediri, quo minus & illos tractando, & hos docendo in rectam viam traheres; effice apud Deum, vt ego tuus clientulus, non pro Ecclesia aut minas, aut insidias, aut molestias sustulerfugiam, effice, inquam, effice, vt quam tuis precibus consequor doctrinam, eam ego in Catholica religione manda, & euertenda hæretica fraude, totam figam collocem.